

## Cars affons e giuvenils

jugend.gr ei la Federaziun tetgala dalla promoziun d'affons e da giuvenils dil Grischun. Nus s'engaschein per vus e vos giavischs. Tia vischnaunca separticipescha a nies project. La finamira dil project ei che vus saveies conceder dapli en vossa vischnaunca.

Il video sut la colligiazion che ti has survegniu declara a ti il plaid partecipaziun (aschia senumna era il project) e muossa co ti sas comunicar tes giavischs e tias ideas als carschi. Fai aschi bien e rispunda allas damondas dalla retscherca, sunter che ti has viu il video. Tiu num stos ti buc indicar. Nus rimnein ils giavischs da tut ils affons e giuvenils e surdein quels alla vischnaunca. Aschia vegnan ils carschi a saver las ideas ed ils giavischs che ti has per tia vischnaunca. Studegia pia buca duas ga e separticipescha! 😊

Link al video ed alla retscherca: <https://jugend.gr/tujetsch/>

## Caras personas d'instrucziun

### Cars geniturs

jugend.gr, la Federaziun tetgala dalla promoziun d'affons e da giuvenils dil Grischun, s'engascha dapi igl onn 2005 per la promoziun d'affons e da giuvenils en nies cantun. Vossa vischnaunca ha decidiu da far part dil project «La partecipaziun d'affons e da giuvenils en vischnauncas grischunas». En in emprem pass ha la vischnaunca fatg in'analisa dalla situaziun. Quella muossa nua che la vischnaunca integrescha gia affons e giuvenils e nua ch'ei dat aunc potenzial da meglieraziun. Per eruir ils basegns da tut las scolaras e tut ils scolars naven dalla 4. classa tochen al scalem da giuvens carschi, realisescha jugend.gr – en cunvegnientscha cun la scola – ina retscherca da basegns. Per ch'ils affons e giuvenils capeschien daco che quei vegn fatg, havein nus concepì in film d'explicaziun. Il film fa enconuscent ad els igl artechel 12 dalla Convenziun dall'ONU davart ils dretgs digl affon, lur dretg da conceder e co els san far valer lur giavischs. En in secund pass organisein nus luvratoris cun ils affons pli pigns per udir ils giavischs dils scolarets da scoletta tochen la 3. classa. Era cun singulas classas naven dalla 4. classa tochen il 3. scalem superiuor fagein nus luvratoris, per aschia survegnir ina vusch directa dils affons e giuvenils. Ina brev corrispundenta informescha Vus, schebein e cura ch'igl ei planisau in luvratori cun Vies affon ni giuvenil. Ils affons e giuvenils san risponder a moda anonima allas damondas. Els astgan raquintar libramein lur giavischs e basegns. Nus rimnein ils resultats, approfundein quels en singuls luvratori e presentein els pli tard alla vischnaunca. (Sin fundament dalla situaziun actuala eis ei aunc buc enconuscent, cura che las visetas en scola han liug.)

Per damondas stat la menadra da project bugen a Vossa disposiziun.

Cordials salids



Chantal Bleiker, menadra da project, [c.bleiker@jugend.gr](mailto:c.bleiker@jugend.gr), +41 76 399 62 11